

Solche wüder / die vnser lieber Gott Im oder
Mit Fexore wircket / vnd derer ich 49. erzehlet ha-
be / sollen wir nu nicht verachten oder in den wind
schlagen / wie ihr viel gethan haben / vnnnd darüber
von Gott greulich sind gestraffet wurden : davon
ich auch ein wenig exempel wil herfür bringen / vnd dann zum
letzten Capittel dieses Tractetlins schreiten.

Vnnnd ist hochnötig / auch eines trewen Predigers in dieser
grundsuppe der Gottlosen sichern welt / fürnembstes Ampt /
welches er zu diesen zeiten am aller fleissigsten treiben sol / nem-
lich das er wieder die sicherheit predige. Mein Sprichwort ist:
Cum securitas accedit ad scelera, tunc duplicantur poenæ, wenn man
sicher wird / so kömpt die straffe schwerer. Vnd befinde es auch
aus geistlichen vnd weltlichen / alten vñ neuen historien. Aber
es gehet zu / wie Ezechielis am 12. Cap. die mercklichen wort ste-
hen / do vnser lieber Gott / zu den verechtern / Gottlosen / ruch-
losen / sichern / vnnnd Epicurischen Menschen also spricht vnnnd
predigen lesset :

Des HErren wort geschach zu mir : Was habt ihr
für ein Sprichwort im Lande Israel? das da spricht:
Weil sichs so lange verzeucht / so wird nun forth nichts
aus der weissagung / *ideo Prophetia nulla est*. Dar-
umb sprich zu ihnen : So spricht der HErr HErr / Ich
wil das Sprichwort auffheben / dz man es nicht mehr
sprechen sol in Israel / vnd rede zu ihnen / die zeit ist nahe /
vnd alles was geweissaget ist / sol geschehen / Dann ihr
solt nu innen werden / das kein Gesichte feilen / vnd kei-
ne weissagung liegen werde / *apparitiones prodigiosa nō
aberrabunt, & Prophetia non mentientur aut fallent*.
Denn ich bin der HErr / was ich rede das sol geschehen /
vnnnd

H

vnnnd